

地 220.67
41
211

卷二十一

氏族

卷二十二

名宦

泗陽縣志

戊

民國第一
次修 泗陽縣志卷二十一

志十五

氏族

依詩韻為次凡得二百五十六姓內奉回教者三十二姓

傳云天子建德因生賜姓尚書亦言錫姓則姓之所由昉也
傳又云胙之士而命之氏諸侯以字為諡因以為族官有世
功則有官族邑亦如之則氏之所由昉也三代以前 氏分
而為二男子稱氏女子稱姓氏所以別貴賤貴者有氏賤者
有名無氏而姓則所以別婚姻三代以後姓氏合而為一皆
所以別婚姻而以地望明貴賤此姓氏之別也中國民族相
傳為黃帝子孫夷考黃帝育於姬水以姬為姓有子二十五
人得姓者十有四已似子酉祁滕箴任荀偃媯依媯其初
蓋以德命子孫遂為異姓惟姬為同姓至周興而姬宗大盛

泗陽縣志

卷二十一

氏族

一

周公兼制天下封七十四國姬姓五十五其可見者管蔡郕
霍魯衛毛聃郕雍曹滕畢原豐郟邶晉應韓凡蔣邢茅胙祭
之屬是也春秋之世諸國世卿各以王父字或官邑為氏如
魯之臧氏孟氏季氏鄭之展氏孔氏游氏晉之范氏韓氏趙
氏支分派別不可枚舉而其源流皆可上溯至於黃帝故普
通民族謂之黃帝子孫秦氏併吞六國夷其貴姓齊於編戶
而階級之制廢漢高起泗上亭長而推本於伊祁魏武出夏
侯疏支而發祥於顓頊蓋猶是神明之胄也五胡之亂衣冠
流離京房之先姓李也牛宏之先姓寮也疏之後而為束是
之後乃為氏閩中人避王審知諱而沈氏去水為尤南中多
危氏或改為元魏拓拔氏亦改為元劉淵以南匈奴裔冒姓
劉石勒以羯胡種更姓石於是有以夷族代漢姓者唐多用



蕃將阿史那大奈爲史氏阿犖山爲安氏明太祖詔天下凡
蒙古遺族留居中原者悉改漢姓複姓改單姓於是漢姓蕃
姓混爲一談解者曰文明進步往往能吸收他種族使之同
化中國自黃帝立國移居黃河流域漸推至於長江南海悉
爲漢族所征服子孫流衍族姓繁滋北則界絕長城始終不
能融化固地勢使然也今不暇泛論中國氏族但就一地方
言之山國安土重遷水國便流徙平原廣澤多兵禍民居其
間者或千百年不變或一再傳無存或去此適彼或覆宗絕
嗣而如彭城之劉清河之張太原瑯琊之王移殖遍宇內者
蓋亦不能數觀泗陽古淮夷地非有帝王世胄之都也非有
公侯爵邑之封也非有大邑名城足以衛廬旅長子孫也非
有故家世族足以光史册資掌故也晉以後苦於兵宋以後
泗陽縣志 卷二十一 氏族

苦於河戎馬躡之波臣蕩之百年生聚未見有餘一旦凶災
遂已立盡所謂士食舊德之名氏農服先疇之畎畝僅千百
中之什一耳而又何氏族之可言哉雖然雲漢之詩曰周餘
黎民靡有孑遺非謂周竟無民也以古例今何獨不然泗陽
廣輪百里戶籍十萬域地居民七百有餘歲矣其間分合聚
散之由盛衰興廢之跡可得而言焉大抵發揚蹈厲倚勢怙
寵者其族也強儉嗇褊急憂深思遠者其族也弱宦達貿遷
高掌遠蹠者其族也驕蹇而好勝詩書稼穡積德累仁者其
族也悠遠而蕃昌齊之奢不如魏之儉鄭之淫不如魯之禮
興也勃焉亡也忽焉籍談數典弗忘其祖撫斯篇也其亦憬
然於保世滋大之有由然歟作氏族志

翁氏

望監官姬姓周宣王庶子食采翁山因以爲氏又望出錢塘

百梅堂翁明初翁鎰自蘇州遷來其先宋南渡時翁德裕爲親軍侍衛都統制隨高宗渡江世居蘇州洞庭山至鎰乃別居桃源以崇河吳城爲最著戶三百譜系自翁鎰敘起至今傳十七世清乾隆十六年創修至民國十三年凡三修

熊氏 望江陵芊姓楚鸞熊之後又黃帝有熊氏

熊家樓熊明中葉有熊念者其先爲南昌金塘橋人世居邑之陸城鄉四圖清康熙丁卯熊存理任池州建德縣教諭署縣事後有熊夢麟一支奉回教戶三百譜系自熊念敘起至今傳十五世清康熙三十三年創修至民國十三年凡四修

熊家園熊居城內奉回教清道光年熊祺庠生一支居

泗陽縣志 卷二十一 氏族

二

治西南熊家園一支居衆興同治年附貢生熊文通歷官六合訓導贛榆教諭戶數不詳

洪氏 望燉煌共工之後避讎改爲洪又望出宣城豫章

衆興洪不知所自始清初洪潛歲貢生見舊志

宮氏 望太原孟子宮之奇虞亡入晉望出河東

泗陽舊有宮氏明洪武年歲貢生宮準任四川道御史今無聞焉

馮氏 望始平姬姓畢公高之後畢萬封魏其支孫食采馮城因以爲氏又望出潁川上黨

泗陽馮氏不知所自始世居陸城鄉族甚微

叢氏 池北偶談謂系金日磾之後其子孫遷文登縣之叢家峴因氏焉

泗陽舊有叢氏不知所自始居邑之崇河鄉北部有叢家廟

童氏

望渤海顯項生老童以王父字為氏

泗陽童氏居城內奉回教戶不多

宗氏

望京兆周大夫宗伯之後以官為氏又望出河東

泗陽宗氏本係舊族陸城鄉有宗家墩恩福鄉有宗家

渡戶不多

鍾氏

望潁州左傳楚鍾儀樂官

鍾家窪鍾明末鍾士駿避闖賊之亂由山東諸城縣遷

來世居治西之鍾家窪清光緒年鍾道隆游庠戶百餘

有別居皖泗者祖墓在本庄

封氏

望渤海炎帝之後封鉅為黃帝師因氏又望出河間武陵

泗陽封氏不知所自始有居吳城鄉者族甚微

龔氏

望武陵晉大夫龔堅之後

泗陽縣志

卷二十一

氏族

四

泗陽龔氏不知所自始城內有之族甚微

江氏

汝南嬴姓伯益之後顯項元孫封於江後滅於楚以國為氏又望出濟陽

泗陽江氏有居吳城鄉者戶不多

皮氏

望天水風俗通周卿士樊仲皮之後又望出下邳

泗陽皮氏清道光年歲貢生皮養正居吳城鄉今陸城

鄉亦有皮氏戶不多

施氏

望吳興姬姓魯惠公之子尾字施父亦稱施伯因以字為氏

泗陽施氏不知所自始其族散居陸城鄉

時氏

望隴西齊賢人時子之後又望出陳留

時大荒時邑之舊族清初時之秀考授州同時之穎附

貢均見舊志今其族尚居吳城鄉

司氏

古姓春秋時鄭司臣之後有司超為防禦使望出頓山

板橋司明季司千五由徽州遷居沭陽清初有名文藻者中順治丙戌科武進士至雍正八年分一支來居治北司家板橋今又有居吳城鄉者戶千二百始祖墓在沭陽東北華冲鎮祠堂亦在焉譜系自千五紱起至今傳十九世清順治八年創修至今凡三修

祁氏

望太原帝堯伊祈氏之後祈祁通用春秋晉有祁奚

祁大園祁不知所自始世居治北崇河鄉奉回教清乾隆年恩貢祁士寬嘉慶年武舉祈萬寧均見科第表戶數不詳

姬氏

望南陽帝嚳生姬水因以為氏

泗陽姬氏有居吳城鄉者戶不多

伊氏

望陳留帝堯伊祁氏其後因以為姓又望出河南山陽

泗陽縣志

卷二十一

氏族

五

泗陽伊氏有居陸城鄉者戶不多

韋氏

望京兆風姓顓頊之裔在夏為豕韋氏周穆王時始失國徙居彭城以國為氏

泗陽韋氏本舊族治西北有地名曰韋家東蕩明永樂年歲貢韋經官布政司經歷今戶不多

余氏

望下邳秦繇余之後以王父字為氏又望出新安

泗陽余氏散居吳城陸城二鄉戶不多

諸氏

望瑯琊越琅邪大夫諸稽郢之後

泗陽諸氏見烈女戶不多

儲氏

望河東齊儲子之後

泗陽儲氏本舊族明萬歷年歲貢儲養蒙見舊志清道光年有儲湘帆者江南宜興人有文名因事避居桃源贅於順德鄉畢氏生子錫齡遂家焉邑人房震享有儲

湘帆先生移居序今戶不多

胥氏

望瑯琊晉大夫胥臣之後以字為氏或云赫胥氏之後

泗陽胥氏居崇河鄉族甚微

徐氏

望東海嬴姓伯益之後封徐為吳所滅子孫因以為氏

泰山徐明徐應登之裔

毛家湖徐明隆慶間徐光遠由徐州遷來

徐家溜徐清同治光緒間歲貢有徐廷機三雅父子武

舉有徐培元培科兄弟以上三派今皆聯譜祠堂在治

南門大街戶二千餘

壽水堂徐清初徐仁由山東福山縣遷來散居城鄉戶

百餘奉回教有徐文光者官台州守備徐恆久一支居

南京徐殿雲一支居定遠祖墓在治西奶奶廟譜系自

泗陽縣志

卷二十一

氏族

六

始遷祖敘起至今傳十一世民國十三年創修

於氏

望京兆姓苑唐初字文化及將於澄以魏州降今餘杭有之又望出廣陵

於家溝於世居吳城鄉今其族已式微

于氏

望河內姬姓周武王第二子封邾為邾叔以國為氏省文為于又望出東海

于家岡于邑之舊族其先為河南祥符縣陳橋人元時

遷淮濱祖墓在六塘河南岸明永樂年歲貢于駟隆慶

年歲貢于溥均見舊志子孫世居順德鄉

朱氏

望沛國曹姓顓頊之後周封曹俠於邾後為楚滅子孫避難去邑為朱又望出吳郡

都堂朱邑之舊族元進士朱顯任山東廉訪使明進士

朱笈任宣大巡撫寧夏總督遷戶部右侍郎墓在倉基

湖岸世居崔鎮戶千餘譜系自朱顯敘起至今傳二十

二世明萬歷十三年創修至民國十三年凡五修

官莊朱明初朱昇自蘇州吳縣楓橋遷此

孝子朱元末自安徽婺源縣遷來明嘉靖時歲貢朱仁旌表孝子崇祀鄉賢子孫世居恩福鄉毛家湖分支居陸城鄉中營門山子頭一帶戶八百現與都堂朱合譜夫子廟朱明洪熙間徽州副貢朱壽百任桃源教諭遂家焉其子孫尚多

朱陳窪朱世居成子河岸戶百餘

三汊朱世居吳城鄉東部戶百餘

胡氏

望安定媯姓舜後周時有胡公滿爲陶正封於陳以諡爲氏又望出洛陽

墩墪胡宋末由宿遷墪頭遷居古城山元置桃源縣遂占籍焉世居邑之陸城鄉明嘉靖年進士胡思忠任辰州府知府墓在墩墪莊祠在南門大街坊在縣署前戶

泗陽縣志

卷二十一

氏族

七

千餘譜系自始遷祖敘起至今傳二十二世明嘉靖二十八年創修至民國十二年凡五修

里仁集胡明胡聰由如皋遷居城內清初避河患移居崇河鄉胡老莊乾隆時胡禮全由舉人賜翰林院檢討經術文章爲袁枚所推服戶千餘祖墓在王家集東二里許祠堂在衆興天后宮東支祠在胡老莊譜系自始遷祖敘起至今傳十六世清順治六年創修至咸豐十年凡五修

仰化集胡清初由蘇州遷來世居邑之順德鄉清末拔貢胡起龍以文學著戶二百譜系自胡廷傑敘起至今傳十一世清光緒二十七年創修

吳二圖胡明中葉胡耀宗自泗州徙居邑之吳城鄉三

圖相傳爲元勛胡大海之後戶百餘譜系自始遷祖敍起至今傳十六世清同治三年創修

北門胡世居縣城內奉回教清光緒年胡鳳高官洋河

汎千總戶不多

屠氏

望陳留潛夫論殷之舊族有屠氏卽茶也拾遺記軒轅伐蚩尤遷其民善者於鄒屠之地後分鄒氏屠氏

泗陽屠氏治西有屠家園今微

吳氏

望延陵姬姓周太王子泰伯仲雍封吳後爲越所滅子孫以國爲氏

吳家勒吳明時由安徽休寧縣遷來世居邑之吳城鄉南部鄉賢吳勝明洪武年任河南永城縣教諭有坊在

吳家勒子至今傳十八世戶六百餘

吳大園吳邑之舊族始居成子河北岸因濠泗起兵遷居陸城鄉新莊編籍陸八圖四甲後徙居恩福鄉吳大

泗陽縣志

卷二十一

氏族

八

園明末兵亂譜廢世系不詳吳文獻嘉靖丁酉拔貢任陽朔知縣戶五百祖墓在治南里許譜系自吳本敍起至今傳十八世清康熙四十八年創修至光緒九年凡三修

蓮花墩吳明永樂時吳文源由句容縣茅山吳村遷來世居陸城鄉蓮花墩地方分支居城內穿城五集一帶祖墓在治西墩墪莊二房支譜自始遷祖敍起至今傳

十三世清雍正四年創修光緒三十年重修

二五甲吳世居治東北恩福鄉有東西兩吳圩戶一千餘

要道吳世居陸城鄉西部戶百餘

蘇氏

望武功己姓祝融之後陸終生昆吾封於蘇因以爲氏周司寇蘇忿生

泗陽蘇氏散居戶不多

盧氏

望范陽姜姓齊太公之後文公子高之孫倭食采於盧因氏

盧家集盧明盧萬鐘由蘇州遷來世居邑之吳城鄉清嘉慶年河營參將盧順以死勤事勅封將軍墓在三義

鎮東

俞氏

望河間黃帝時有良醫俞跗又望出漢東

洋河俞奉回教清乾隆年俞欽孝廉歷任溧水教諭邳州學正寧國訓導居洋河戶數不詳

衆興俞明萬歷年俞承岐由浙江鄞縣徙居邑之崇河鄉戶不多譜系自始遷祖敘起至今傳十六世清康熙五十六年創修至民國十三年凡三修

齊氏

姜姓四岳之苗裔也太公望封於齊子孫以國爲氏

泗陽縣志

卷二十一

氏族

九

泗陽齊氏不詳所自始清康熙年有齊克慧者嘗焚券千串鄉里稱厚德其後無聞焉

奚氏

古姓夏車正奚仲遷於邳其後遂稱奚氏

泗陽奚氏奉回教清咸豐年奚文振任桃源縣城守營居城內今微

嵇氏

望譙國妘姓夏少康封子季杼於會稽遂爲會稽氏漢初徙譙改嵇氏又望出河南

花井嵇邑之舊族明正德年歲貢嵇禮見舊志子孫世居崇河鄉戶數繁多

倪氏

望千乘曹姓小邾國居邾其後失國子孫爲邾氏或省文爲兒氏漢有兒寬又其後避讐改倪

鋤經堂倪明天啟年由蘇州遷來分三支一居倪家堰一居穿城一居倪家蕩崇禎年拔貢倪正綱任池州教授授然據舊志萬歷年有歲貢倪光祖任上虞縣丞未知

屬於何支戶五百譜系自各支祖敘起至今傳十五世
清同治年創修今議合修

柴氏

望平陽姜姓齊文公子高之後有高柴為孔子弟子其子孫更以柴為氏

泗陽柴氏世居陸城鄉中部有王柴二姓充公學田見
田賦教育二志戶不多

枚氏

望淮陰商後漢有枚乘枚皋

泗陽枚氏不詳所自始舊居城內族甚微

崔氏

望博陵姜姓齊太公生丁公伋伋生叔乙讓國居崔因氏又望出清河

泗陽崔氏散居各鄉不詳所自始順德鄉有崔鎮地名
甚古當為邑之舊族清光緒年崔文峯游庠

臺氏

左傳金天氏有裔子曰昧為玄冥師生允格臺駘臺駘為汾神漢有侍中臺崇高士臺佟

泗陽臺氏相傳明初與西湖陳氏為姻婭同時由泗州

泗陽縣志

卷二十一

氏族

十

遷來今存數戶

裴氏

望河東贏氏伯益之後秦非子之支孫封於豷鄉今聞喜豷城是也其後去邑從衣為裴氏

裴家圩元裴末裴文裴芳裴錦裴繡兄弟四人遭紅巾
之亂自山西聞喜縣遷於江南文居金陵繡居山陽芳
錦二支來居桃源一在湖東一在湖西戶千餘墓在湖
西裴家巷祠堂在城內小南門譜系自裴登元敘起至
今傳十八世清乾隆年創修支譜民國十三年議修合

譜

申氏

望魏郡姜姓炎帝之後封於申號申伯以邑為氏又望出丹陽

泗陽申氏族甚微

莘氏

望隴西姒姓夏后氏支子封於莘以國為氏又去草為辛氏

泗陽莘氏見列女表戶不多

陳氏

望潁川嬀姓周武王封舜後胡公滿於陳以國爲氏

久在陳元末其先人避紅巾之亂隱於蘆花蕩內得免世居邑之崇河鄉久在莊始遷祖無考戶百餘譜系自十六世陳軒敘起至今傳二十五世清乾隆三十三年創修光緒三十年重修

西湖陳明初由泗州板橋遷居邑之恩福鄉八圖五甲其後有名璉者世居陸城鄉五圖七甲是爲西湖陳之始嘉靖年陳諫官紹興府知府萬歷年陳東魯官杞縣知縣戶三千餘墓在賈家墩祠在南門內譜系自陳璉敘起至今傳十八世明崇禎七年創修至清光緒三十二年凡八修

穿心莊陳明陳修道居泗州板橋官黎明縣令反居蘇

泗陽縣志

卷二十一

氏族

十一

州原籍其孫謙懿二人由蘇來桃謙之後居治東穿心莊懿之後居洋河陳家湖近年與張稿陳柴林陳香莊陳合譜戶三千餘祠基在縣南門內譜系自泗州板橋宗敘起至今傳二十二世清康熙年創修至民國十三年凡五修

張稿陳明初陳產文與兩弟由寶應遷來世居邑之陸城鄉張稿莊戶四百餘

下大營陳明陳修道孫有名鴛者避亂居廬州府轉徙至桃源卜居治東北大營地方戶數百清同治年歲貢陳貽壽有時名祠堂有二一在下大營東清乾隆時建一在下大營西清光緒年建

陳大莊陳明季由山東鄒城縣遷來世居治西南卜家

湖濱謂之陳家大莊祖墓亦在是清同治時陳猷詔游
庠分支有居三汊者祠在縣署前譜系自陳隆慶敍起
至今傳十五世清光緒年創修

秦氏

望天水嬴姓伯益之孫非子封於秦以國為氏

秦老莊秦清初秦珊淵由山東歷城遷居沭陽金家墩
其子漢來居邑之夫子廟東謂之秦老莊分支居史三
莊戶千餘祖墓在運河北于家店鎮即崔祠在沭陽金家
墩譜系自始遷祖敍起至今傳十二世清嘉慶年創修
至今凡三修

郇氏

姬姓周文王子封郇晉武公滅之以賜大夫原氏是為郇叔因以為氏

泗陽郇氏吳城鄉崇河北市有之族甚微

甄氏

望中山嬴姓皋陶次子仲甄後東漢儒林傳有甄字

泗陽縣志

卷二十一

氏族

十一

泗陽西境有地名唐甄楊相傳三姓所居今唐楊尚多
甄氏無聞焉

雲氏

望瑯琊官氏志宥連氏改為雲氏又縉雲氏之後望出河南

雲家渡雲邑之舊族明初雲霓崇祀鄉賢雲衢舉人官
浙江都司正斷事世居治西北順德鄉濱於運河曰雲
家渡戶百餘

殷氏

望汝南子姓商之後十九世小辛改國曰殷以國為氏

泗陽殷氏相傳為殷開山之後崇河鄉有殷開山墓詳
古蹟陸城鄉有地名殷家飯棚蓋舊族也今邑中殷氏
多散居

樊氏

望上黨姬姓太王子虞仲支孫為周卿士食采於樊因以為氏又望出南陽

樊家蕩樊明嘉靖年樊靜思原籍徐州避俺達之亂遷

居舊縣其後復徙河北之老鶴汀戶二百譜系自始遷祖敍起至今傳十六世清乾隆五十六年創修至民國八年凡四修

城內樊氏奉回教戶不多

孫氏

望樂安姬姓衛武公之子惠孫生耳為卿士以王父字為氏又望出太原

孫家湖孫明初孫全孫鑄兄弟五人由荊州監利縣遷來全之子孫居治西義館溝鑄之子孫居治東南孫家湖明末孫光國貢監隱居樂道見舊志又一支居臨河集戶千餘

衆興孫氏奉回教其族有居城內者戶不多

溫氏

望平原姬姓唐叔虞之後晉公族受封河內之溫以邑為氏又郤至食采於溫小號溫季又望出汲郡清河

泗陽溫氏不詳所自始戶不多

泗陽縣志

卷二十一

氏族

十三

袁氏

望汝南媯姓陳公族轅濤塗之後以王父字為氏世為陳上卿其後去車為袁或作爰

袁家集袁不詳所自始明嘉靖年歲貢袁綸見舊志清嘉慶年袁淑袁潔兄弟先後拔萃科登仕籍今其族居新灘戶數未詳

韓氏

望南陽姬姓唐叔虞之後曲沃桓叔之子萬食采於韓原因氏焉

韓家圩韓順德恩福二鄉皆有韓家圩附貢韓石安有鄉譽其別居新灘湖者則韓懷禮尤知名戶數不詳龍門口韓清道光年韓英茂才短折士論惜之其族居治東十餘里戶百餘

洋河韓不詳所自始清光緒年歲貢韓維翰及弟增廣生維楨有聲庠序其族始著

千氏

望潁川宋大夫千雙之後又望出滎陽

泗陽千氏陸城鄉有之族甚微

潘氏

望榮陽羊姓楚公族左傳商臣之傳曰潘崇又有潘兀之黨

關帝廟潘其先為浙江烏程人由浙而蘇有潘少川者

明崇禎五年隨軍討山東登萊賊歸途經淮濱之老鶴

汀遂家焉因關帝廟舊基重建奉祀遂為關帝廟潘氏

清光緒年潘化西中己丑科舉人戶三百祖墓在廟北

百餘步譜系自潘少川敘起至今傳十六世清光緒十

一年創修民國八年重修

安氏

望武陵漢時西域安息王子入侍遂為漢人

泗陽安氏不詳所自始戶不多

班氏

望武陽羊姓楚令尹文之子鬬班別為班氏漢班彪著王命論

泗陽班氏族甚微治西有班家道口

泗陽縣志

卷二十一

氏族

十四

顏氏

望魯國曹姓邾挾之後為魯附庸國公羊傳邾夷父謂之顏公子孫因以為氏或曰姬姓魯伯禽支庶食采於

顏亦為顏氏又望出瑯琊

顏家岡顏世居治北順德崇河二鄉然治東南顏家勒

地方亦有之清同光時顏卓清萬昇叔侄皆明經亦著

姓也戶數不詳

關氏

望隴西殷大夫關龍逢之後又尹喜為關吏亦為關氏又望出東海

泗陽關氏昔有今微

田氏

望鷹門媯姓舜後陳厲公子完仕齊號田氏其孫田和代齊有國

茂荆堂田明永樂間田禮由姑蘇避亂徙居治南馬廠

地方祖墓祠堂均在其處別支居陸城鄉西部萬歷年

田應斗官彌勒州知州田有恒官樂至縣令俱見舊志

戶一千餘譜系自始遷祖敘起至今傳十八世清順治

丁亥年創修至民國十年凡五修

錢氏

望彭城曹姓顓頊曾孫陸終生彭祖彭祖生孚為周錢府上士以官為氏

泗陽錢氏有居吳城鄉者戶不多

宣氏

望始平周宣王後一云宋宣公後以諡為氏東漢有宣秉

泗陽宣氏居治東南吳城鄉戶不多

邊氏

望隴西子姓宋平公子城字子邊其後因以為氏又望出陳留金墉

泗陽邊氏昔有今微

蕭氏

望河南子姓宋微子裔孫封於蕭以邑為氏左傳有蕭叔大心又望出蘭陵

泗陽蕭氏散居各鄉治西有蕭家河戶數不詳

姚氏

望吳興舜生於姚墟因以為氏夏少康妻有虞氏之二姚

泗陽姚氏不知所自始吳城陸城二鄉皆有之清光緒年姚亮曾游庠戶數不多

泗陽縣志

卷二十一

氏族

五

焦氏

望中山周武王封神農氏之後於焦子孫以國為氏又望出廣平馮翊

泗陽焦氏有焦鳴琴者直隸永平人以商業起家寄居治東北里仁集戶不多

苗氏

望東陽芊姓楚大夫伯棼之子賁皇奔晉晉人與之苗因氏焉又望出上黨濟陰

泗陽苗氏世居陸城鄉苗家道口戶數不詳

晁氏

望京兆姬姓周景王之朝之後朝亦作晁又作晁或曰衛大夫史晁之後亦為晁氏

泗陽晁氏不詳所自始戶不多

喬氏

望梁國本作橋後去木為喬氏匈奴貴姓又望出馮翊

喬家窪喬明嘉靖年喬讚由泗州遷來世居崔鎮分支居陸城鄉之喬家窪清雍正年喬枝起阜起俱明經見舊志戶數不詳

巢氏

望彭城有巢氏之後以國為氏又望出魯國

泗陽巢氏治東南吳城鄉有之戶數不詳

包氏

望丹陽楚大夫申包胥之後以字為氏

包家圩包清初包國明原籍安徽以進士任河南道因辦河務來居桃源其孫四安遂入籍世居恩福鄉包家河一帶祖墓在黃家嘴戶一千餘

高氏

望渤海姜姓齊太公六代孫文公子高孫倭以王父字為氏

高家灣高世居吳城鄉南部清光緒年高保亨重游泮水又一支居高家渡又治西陸城鄉亦有高氏相傳高毛耿魏四姓連村而居世為姻婭

陶氏

濟陽陶唐氏之後又有虞闕父為周陶正以官為氏左傳殷民七族亦有陶氏又望出丹陽潯陽

陶家橋陶明中葉陶毅全原籍蘇州閶門人為桃源教諭因家焉世居治東南陶家橋地方戶三百餘祖墓在

泗陽縣志

卷二十一

氏族

六

橋東祠基在縣治前數十步譜系自始遷祖敘起至今傳十六世清道光二十六年創修至民國二年凡三修

曹氏

望譙國顛頊玄孫陸終第五子為曹姓又周文王第十三子振鐸封曹亦為曹氏

曹家廟曹世居陸城鄉西部相傳明時有曹淨曉者得道仙去又吳城鄉曹家嘴亦有曹氏

毛氏

望西河姬姓周文王第九子封毛稱毛伯以國為氏又望出滎陽

毛家湖毛明成化年毛鑑蘇州閶門人由武舉官河營承領恩福鄉葦水田四百餘頃因名其地曰毛家湖子孫世居之戶三百祠堂亦在焉譜系自始遷祖敘起至今傳十七世清康熙五年創修至民國十三年凡三修毛家集毛世居陸城鄉中部有毛家大庄即高毛耿魏之毛是也清道光年毛坦修重游泮水善書法戶數不

詳

羅氏

望豫章祝融之後妘姓封於羅子孫以國為氏又望出長羅

羅家圩羅其先軍籍世居吳城鄉清道光年有羅璞者游庠有聲戶百餘

何氏

望廬江姬姓周成王弟唐叔虞裔孫韓王安之後訛韓為何

泗陽何氏不詳所自始清光緒年有何向榮者恩賜翰林其族散居各鄉

戈氏

望臨海夏時侯國為少康所滅子孫以國為氏

泗陽戈氏世居順德鄉有戈家行渡口戶數不詳

花氏

望東平見何氏姓苑唐成都牙將花驚定明有花雲

泗陽花氏世居城內相傳元淮安王伯顏之後奉回教戶不多

泗陽縣志

卷二十一

氏族

七

沙氏

望汝南姓苑東苑有沙氏吳興亦有此姓又有濟人族其一曰沙氏

泗陽沙氏奉回教相傳沙馬塔哈薩五族為清真教正脈然沙氏居泗陽者亦不多

車氏

秦有子車氏又漢丞相田千秋子年老得乘車出入省中時謂車丞相因氏焉

泗陽車氏本舊族明初歲貢車瑜見舊志今無聞焉

查氏

望齊郡側加切

泗陽查氏有居崇河鄉者清光緒年查毓仁曾游庠戶不多

余氏

音蛇宋銅陵余氏一門義聚千三百餘口子孫皆以科第顯

泗陽余氏陸城鄉界頭集有之清同治年余慎藻曾游庠戶不多

楊氏

望弘農姬姓唐叔虞之後伯僑自晉歸周封楊侯食采於楊因以為氏一云周宣王曾孫封楊為晉所滅其後

爲楊氏

楊老莊楊明季由泗州遷居桂家嘴繼遷里仁集西謂之楊老莊分支散居岡莊朱圩南史集北楊家圩丁家嘴董家蕩李家口楊家橋一帶戶二千餘長房必勝必遠二墓在老莊祠基在縣南門外譜系自始遷祖敘起至今傳十四世民國十三年創修

楊家園楊明崇禎時歲貢楊天壽爲泗州學正避亂居治西北倉基湖其後散居以楊家園爲多戶百餘五里松楊清初進士楊贊勳鎮江丹徒人奉回教其裔孫來居治南距城五里喜植松號五里松楊氏咸豐年有楊治安者官中營守備戶數十有移居城內及衆興鎮者

泗陽縣志 卷二十一 氏族

六

楊桂莊楊元末楊既文兄弟四人由蘇州閶門來桃長居河北楊老莊即楊桂莊次居河南楊家大樹三居沐邑礬山鎮四居清邑楊家蕩今譜不載沐清两支其散居泗陽境內者戶一千餘長房祖墓在老莊前號楊家大墳二房有支祠在李家口譜系自始遷祖敘起至今傳十七世清同治十二年創修至民國十三年重修

張氏

望清河少吳氏第五子揮爲弓正賜姓張其族最繁與王劉李趙共稱國內五大姓廣韻云十四望張氏譜圖

言四十
三望

受書堂張明正德年英國公少子張渠由順天宛平任桃源兵馬指揮司遂家焉世居治東門外二里許南園分支散居各鄉清嘉慶年有張楷者官河營別居阜寧八套其在泗陽者戶一千餘祠在縣北門外譜系自始

遷祖敘起至今傳十八世清康熙三十四年創修至光緒二十一年凡三修

橫渠堂張相傳明洪武年有叔侄三人自姑蘇閬門徙居淮濱別爲三支長房居張家塘三房居砂疆河北張家莊獨次房卜居崔鎮世遠班序莫定各自爲譜崔鎮一支以張鳳爲始遷祖戶二百餘墓在崇河南韋家東蕩祠在本圩譜系自張鳳敘起至今傳十四世明崇禎壬午年創修至清光緒十三年凡四修

由蘇州遷來之張氏又有三支一居治南張棗房戶三百餘一居治西臨河集戶百餘一居治東張長莊戶五百餘長莊一支始遷祖曰慶芝墓在治西三里許譜系自慶芝敘起至今傳十五世清光緒十八年創修

泗陽縣志

卷二十一

氏族

九

百忍堂張明末由泗州遷來其先爲山東章邱人始居城內葛家巷後徙河北崇河鄉清乾隆年進士張如翥任寧國府太平縣知縣戶百餘祖墓在治西二里橋祠堂家廟各一在張圩東里許譜系自泗州本宗敘起至今傳二十二世清光緒初年創修

純鱸堂張世居吳城鄉高家渡清光緒年恩副榜張英哲有聲庠序戶數不詳

張老廟張世居陸城鄉西南部清光緒年張蘭洲築圩禦匪號張家圩戶三百餘

松樹張世居治北砂疆河東岸與沐邑接壤地名松張口子戶數不詳

成子河張奉回教其族有居上壩者戶不多

王氏

派別甚多通志京兆河間之王出於周文王第十五子畢公高之後一云周靈王太子晉之後此姬姓之王出於北海陳留者齊王建之後此媯姓之王出於汲郡者王子比干之後此子姓之王大抵子孫以王者之後號曰王氏廣韻所載有二十一望太原瑯琊尤著

北王集王系出太原明初王仲節由淮安府山陽縣廂一圖遷來世居邑之崇河鄉分支居河南臨河集清乾隆年王峙福藍翎侍衛陞任台灣參將戶一千餘祖墓在治西五里祠在西門內分祠在北王集西南隅譜系自始遷祖叙起至今傳十七世明末創修至清光緒年凡五修

店子王系出瑯琊明永樂年王瑄自山東諸城縣遷來世居治西陸城鄉四圖景泰癸酉舉人王淵任鄆陵縣訓導鄆人祀於名宦戶三千餘祖墓在治東龍窩祠在

泗陽縣志

卷二十一

氏族

三十一

縣東門外譜系自始遷祖叙起至今傳二十世清康熙四十四年創修至民國十三年凡七修

水晶湖王系出太原元末王胚由山西太原府避亂遷來世居邑之恩福鄉水晶湖地方分支居河南吳城陸城兩鄉清初王遐昌考授儒學訓導戶八百祖墓在鍋底湖東岸祠在縣北門內譜系自始遷祖叙起至今傳十八世清康熙甲午年創修至光緒己丑年凡四修

槐蔭堂王系出太原相傳明時王大成之二子三汲三錫自山西原籍來居邑之吳城鄉清光緒年王熙之明經有聲庠序戶百餘譜系自始遷祖叙起至今傳十二世光緒十三年創修

王家蕩王世居洋河鎮明末有王如者避亂徙居河北

之黑泥溝遂家焉一支遷居王家蕩戶二百餘

三元宮王明萬歷年王建封自泗州遷來世居六塘河南岸三元宮地方戶八百祠卽三元宮譜系自始遷祖敍起至今傳十五世清乾隆九年創修光緒二十八年重修

柴林王明初王乾元由江左遷居邑之柴林湖繼復徙居治北凌城子孫散處各鄉清世有名元勳尙禎者均贈雲騎尉戶五百譜系自始遷祖敍起至今傳十八世清光緒二十八年創修

城內王氏奉回教戶不多

常氏

望平原姬姓衛康叔之後封於常因氏焉又恆姓亦改爲常

泗陽常氏相傳明開平王常遇春之族屬居城內奉回

泗陽縣志

卷二十一 氏族

二十一

教戶不多

方氏

望河南周大夫方叔之後風俗通云方雷氏之後

方家廟方明嘉靖年方國啓由安徽桐城縣遷來世居

治南海家窪地方墓在本莊

梁氏

望安定嬴姓伯益之後周平王封秦仲少子康於梁陽是爲梁伯爲秦所滅子孫以國爲氏

泗陽梁氏世居陸城鄉戶不多

莊氏

望天水羊姓楚莊王支孫以諡爲氏又望出會稽東海

莊花廳莊元末莊鑑河南滎陽人鎮撫徐泗明初棄官

隱居邑之崇河鄉老鸛汀遂家焉其別支分居陸城鄉

莊家灘清同治光緒時莊庚如及子仲甫皆舉孝廉方

正戶二千餘祠臨港河譜系自始遷祖敍起至今傳二

十世清乾隆三十年創修至民國九年凡六修

黃氏

望江夏嬴姓顓頊曾孫陸終之後封黃以國為氏

黃家圩黃清初黃天福由泗州包家集徙居治南岡陵集道光時武舉黃永清授狼山鎮總兵戶百餘墓在本圩西譜系自始遷祖叙起至今傳十世清光緒二十二年創修

黃家嘴黃世居恩福鄉戶數不詳

倉氏

黃帝史臣倉頡之後又周禮地官倉人以官為氏望出武陵

倉家集倉明倉制書由蘇州遷來世居陸城鄉西部今倉家集是也其後有倉元琳者徙居崇河鄉戶三百

唐氏

望太原陶唐氏之後封唐以國為氏

唐家樓唐明初唐主唐玉兄弟由蘇州崑山四馬橋遷居邑之崇河鄉戶二千餘祖墓在唐圩西南祠在蘭孟

泗陽縣志

卷二十一

氏族

二五

廟西北譜系自始遷祖敘起至今傳十八世清康熙四十年創修至光緒二十七年凡三修眾興唐氏奉回教戶不多

康氏

望京兆姬姓衛康叔之後以諡為氏又望出東平會稽

泗陽康氏昔有今微

姜氏

望天水神農生於姜水因以為氏後太公封於齊

姜家橋姜明中葉自泗州遷居治西北順德鄉分支散居各鄉治西四十里有姜家圩戶千餘譜系自始遷祖敘起至今傳十八世清光緒十八年創修至民國十三年重修

柳江姜明末姜雲由山東省地名喜鵲窠遷此清康熙年姜之琛官建昌府知府戶不多

章氏

即鄆國之後也姜姓為紀之附庸後滅於齊子孫去邑為章氏秦將章邯封雍王望出豫章

泗陽章氏其先自溧水遷來世居城內清光緒年章安

榮為縣吏管庫戶不多

剛氏

無考

泗陽剛氏恩福鄉有之戶不多

桑氏

望黎陽嬴姓秦大夫子桑之後以王父字為氏

泗陽桑氏清咸豐年桑鳳池為邑紳修文廟有梁記居

陸城鄉今微

房氏

望清河祁姓堯子丹朱封房邑子孫以邑為氏

房家湖房明中葉由山東遷來世居治西房家湖地方

其四世祖名厚康者以拔貢任山東東昌府教授經術

文章子孫能世其業戶三百祠曰房家廟譜系自始遷

泗陽縣志

卷二十一

氏族

二十三

祖敘起至今傳十六世清乾隆十六年創修至光緒三

十年凡四修

汪氏

望平陽姬姓魯成公支子食采於汪因以為氏其後有汪躋至宋為著姓

泗陽汪氏有居恩福鄉者戶不多

臧氏

望東海姬姓魯孝公子臧食采於臧因以為氏

拜經堂臧明萬歷年自山東諸城縣遷來始遷祖失名

清初臧聯登始居縣北門外分支居於家溝北有臧明

珠者任山東黃縣知事戶三百祖墓在中營門內譜系

自臧聯登敘起至今傳十六世民國九年創修

湯氏

望中山子姓成湯之後子孫因以為氏又望出范陽

湯家溝湯元末湯福新之後見流寓今其族有居城內

者戶數不詳

强氏 望天水丹陽有强氏

泗陽强氏昔有今微

平氏 望汝南姬姓韓哀侯少子熒食采於平因氏焉又望出河南

泗陽平氏明永樂年歲貢平端見舊志今微

彭氏 望宜春大彭氏為商諸侯以國為氏

述古堂彭其先自泗州遷來一支居洋河一支居泰山

又順德鄉有彭家圩清光緒年彭愛人游庠戶百餘

明氏 望吳興姬姓虞之支族百里奚入秦生孟明視子孫以王父字為明氏

泗陽明氏明嘉慶年歲貢明通見舊志今族已微

榮氏 望上谷姬姓周之支屬食采於榮因氏焉

泗陽榮氏有居城內者戶不多

成氏 望上谷姬姓周文王第五子邲叔武之後子孫以國為氏後滅於楚去邑為成有令尹成得臣又望出廣陵

泗陽縣志 卷二十一 氏族

二四

泗陽成氏明景泰年成林官知縣見舊志其族今微

程氏 望安定風姓重黎之後也在周為程伯休父以國為氏

泗陽程氏世居吳城鄉清咸豐年程大鴻重游泮水詳

科第戶不多

邢氏 望河間姬姓周公第四子封於邢子孫以國為氏

果樹園邢明嘉靖年句容舉人邢文與朱龍岡先生同

年相契卜居治西北順三里後徙居治東南吳城鄉戶

二百祖墓在鍋底湖譜系自始遷祖敘起至今傳十七

世尙未成書

丁氏 望濟陽姜姓齊太公生丁公其後子孫以諡為氏

丁家嘴丁邑之舊族世居順德鄉西北部明洪武年丁

衡弘治年丁榮清康熙年丁世俊皆明經見舊志戶二

千餘

城內丁氏奉回教戶不多

曾氏

望魯國妣姓夏少康少子曲烈封於鄆後滅於莒太子巫仕魯去邑為曾氏

曾家嘴曾世居吳城鄉清光緒年曾啟元游庠戶數不

詳

滕氏

望南洋姬姓周文王第十四子叔繡封於滕以國為氏

泗陽滕氏陸城鄉西部有之戶數不多

凌氏

望河間姬姓衛康叔支子為周凌人以官為氏又望出渤海涿郡

泗陽凌氏不詳所自始戶不多

尤氏

望吳興系出沈氏王審知據閩沈氏避審音去水為尤

尤家嘴尤明宣德年尤璉任山東肥城縣知縣原籍山陽遷居邑之尤家嘴其後子孫散居河南北各鄉皆有

泗陽縣志

卷二十一

氏族

二五

之明成化年尤繼良官山陰縣丞正德年尤尙智官壽州訓導均見舊志戶四百餘譜系自始遷祖敘起至今傳十九世清康熙二十三年創修至民國二年凡五修

劉氏

望彭城祁姓陶唐氏之後有劉累者善豢龍其後為劉氏又姬姓周成王封王季之子於劉邑世為周卿士亦

為劉氏

真君劉一曰半路劉邑之舊族宋南渡時有劉世勳者從岳武穆征討有功官太尉沒為神封號真君今順德鄉有地名半路劉相傳係真君故里世遠不能詳載子孫散居順德恩福二鄉明洪武初劉江從太祖起兵官都督府僉事詳開國功臣錄戶三百真君墓在治西百步譜系東支自劉江敘起西支自劉昇敘起至今傳二十世明隆慶六年創修至清光緒癸巳年凡五修

旗桿劉其先世爲河南祥符縣人有劉成功者明洪武年任廣東瓊山縣令卒於任所其子彝奉母自瓊山回籍值靖難之亂道路梗塞寄居桃源謂之劉停莊景泰時舉人劉鎮官浙江仙居縣令清康熙年劉潛武進士世稱旗桿劉居崇河鄉戶六千祠在衆興鎮譜系自劉成功紱起至今傳二十世清康熙二十年創修至民國十二年凡八修

橡樹劉明嘉靖年劉賢由揚州寶應縣兔皮港遷來世居邑之崇河鄉橡樹南清光緒年歲貢劉鳳梧見科第戶三百祖墓在橡樹南祠在北王集西北二里許譜系自始遷祖紱起至今傳十五世清乾隆二十四年創修道光十七年重修

劉家集劉清初劉加樂由徐州銅山遷居治西北劉家集地方咸豐時劉允慶官千總髮匪破南京殉難贈恤雲騎尉世職戶三百

劉家沙劉世居吳城鄉高家渡地方成子河水入洪澤湖之口曰劉家沙沙上有祠廟基址相傳爲劉氏故居今之縣境與皖泗分界處也清同治年有劉維城者游庠戶數不詳

西劉圩劉居崇河鄉清同治年有劉瑞堂者築圩禦匪光緒年遷沐邑房山其弟瑞符仍居故圩分支居治西陸城鄉戶數不詳

東劉圩劉居崇河鄉清同治初年劉元珠築圩禦匪其姪鴻勳以武舉任團總保衛地方戶數不詳

劉李埂劉明末劉敦劉滿兄弟避亂自山東歷城遷來世居陸城鄉西部劉李埂地方清末有劉燮陽者築圩居之祖墓在本莊戶數不詳

清真劉氏居衆興奉回教戶不多

周氏

望汝南后稷之孫太王遷於岐周爲周代之始其後爲秦所滅黜爲庶人百姓號曰周家因氏焉又望出沛國

陳留

周家岡周明洪武年周永安由泗州遷來始居吳城鄉洪澤湖濱號周家岡其子孫散居崇河恩福各鄉清同治年歲貢周雲程友教四方多知名弟子戶二千餘祖墓在治西奶奶廟前譜系自始遷祖叙起至今傳二十世清光緒二十年創修又河北支譜自周冕敘起同時由泗州遷來今合爲一

泗陽縣志

卷二十一

氏族

二十七

周和廟周元末武探花周義由徽州避亂來桃至今傳二十世戶千餘

崇七圖周明周源原籍蘇州任浙江餘姚縣令來桃至今傳十六世譜系清光緒二十年創修

邱氏

望齊國姜姓太公封於營邱其支孫以邑爲氏

泗陽邱氏邑之舊族明萬歷年邱之慶官金山訓導邱永芳官獲嘉訓導俱見舊志今其族有居吳城鄉者邱樹勳明經是也有居陸城鄉者邱至漳明經是也又邱劉范三姓連莊世居陸城鄉中部戶數不詳

仇氏

望平陽宋大夫仇牧之後又望出陳留南陽

泗陽仇氏世居吳城鄉戶不多

裘氏

本仇氏避難改焉又望出渤海何氏姓苑衛大夫食采於裘氏因以爲氏今會稽有此姓

裘家蕩裘清康熙年錢塘裘嵩生官桃源主簿弟蔚生寄籍焉世居治東北裘家蕩咸豐年裘佩瑤邑庠生戶數不詳

侯氏

望上谷姬姓晉侯縉之後適他國以侯為氏

侯家岡侯世居吳城鄉分支亦有居陸城鄉者清咸豐年侯蔭遠補博士弟子員戶數不詳

牛氏

望隴西子姓宋微子之後司寇牛文以字為氏

泗陽牛氏見列女戶不多

鄒氏

望范陽說文云鄒本邾婁國顓頊之後曹姓為楚所滅以國為氏

泗陽鄒氏縣東門外及陸城鄉有之戶數不多

林氏

望西河子姓殷比于子堅逃難長林山因氏又姬姓周平王庶子林開之後又望出南安

林家岡林世居順德鄉分支居崇河恩福各鄉清康熙

泗陽縣志

卷二十一

氏族

二六

時林邦桓明經見舊志戶數尚多

金氏

望渤海少昊金天氏之後又漢滅匈奴休屠王子日磾事武帝以匈奴作金人祀天賜姓金氏

枯河東金其先自泗州遷來世居吳城鄉明正統年歲

貢金榮官衛經歷見舊志戶百餘

城內金氏奉回教戶不多

任氏

望東安皇帝二十五子得姓者十二人一為任氏周文王母太任正義曰謝障薛舒呂祝終泉畢過此十國皆

任姓

泗陽任氏有居陸城鄉者族甚微

岑氏

望南陽姬姓周文王封異母弟耀之子渠于岑子孫因氏焉

泗陽岑氏見列女戶不多

譚氏

望齊郡譚子之後在齊為平陰縣

泗陽譚氏其先自江南句容縣遷來居城內戶不多

談氏 魯即邾也 邾姓國或言嬴姓少昊之後春秋時邾子朝

泗陽談氏居城內戶不多

藍氏 望中山戰國策 中山太守藍諸

泗陽藍氏治東鄭家道口有之戶不多

嚴氏 望天水芊姓楚莊王之後東漢莊子陵 避明帝諱改姓嚴又望出馮翊華陰

泗陽嚴氏不知所自始各鄉皆有之戶數不詳

詹氏 望河間姬姓周宣王支子封於詹以邑 為氏其後為周大夫或云楚詹尹之後

泗陽詹氏吳城鄉有之族甚微

閻氏 望太原姬姓或云周昭王少子封於閻城或 云唐叔虞之後食采於閻子孫以邑為氏

泗陽閻氏居城內奉回教戶不多

董氏 望隴西己姓黃帝裔孫有颺叔安生董 父好龍龍多歸之曰參龍氏舜賜姓董

董家蕩董明中葉董為由鞏昌府隴西縣遷來世居河

泗陽縣志 卷二十一 氏族 二五

北崇河鄉董家蕩正德時董睿任廣州經歷清咸豐年 其族人築圩居之見鄉鎮戶千餘

孔氏 望魯國子姓宋大夫孔父 嘉之後以王父字為氏

泗陽孔氏戶不多

鞏氏 望山陽周卿士 鞏簡公之後

泗陽鞏氏族甚微

項氏 望遼西姬姓國齊桓公 滅之子孫以國為氏

泗陽項氏有居順德鄉者族甚微

紀氏 服平陽姜姓炎帝之後封於紀子 孫以國為氏又望出高陽天水

泗陽紀氏世居河北崇河鄉清光緒年紀元亮游庠

李氏 望隴西嬴姓顓頊曾孫皋陶為理官子孫以官為氏 末有理利之者逃難伊侯之墟食木子變姓李十一代

支孫李耳居世傳老子是也其 屬一居趙郡一居隴西

問禮堂李明季李肇基由關中遷來世居吳城鄉李家口地方清乾隆年李守沛好佛建淨土庵今猶存在譜系自始遷祖敘起至今傳十五世清雍正十三年創修卜家嘴李明季李廣平自泗州虹縣遷來世居治東南卜家嘴地方清同治年李寶璜游庠戶二百餘譜系自始遷祖敘起至今傳十六世光緒十八年創修

二甲李明嘉靖年李天泉由淮安府山陽縣百峙山遷來世居吳城鄉八圖二甲是稱二甲李祖墓在本莊南二里許

三甲李世居吳城鄉八圖三甲是稱三甲李分支有居陸城鄉莊家灘者戶數不詳

古八集李世居恩福鄉東北部清光緒年李泰昌武科

泗陽縣志

卷二十一

氏族

三十一

舉人戶數不詳

早李莊李世居陸城鄉西部清光緒年李明安游庠

李家樓李世居順德鄉西部清同治年李雲龍游庠

十四房李明中葉李丙自陝西遷居淮安業鹽商其孫

承佩始居桃源奉回教其七世孫萼候選州同生子十

四人謂之十四房李第六子璟任陝西靖邊知縣戶一

百五十始祖墓在淮安鉢池山譜系自始遷祖叙起至

今傳十五世清乾隆三十六年創修至民國十三年凡

三修

史氏

望京兆周史佚
之後以官爲氏

史家集史明成化年史昭由丹陽千口遷來世居治西

北順德鄉別有史家樓史家蕩二支

按史可法子以愚
流寓治北子孫尙

多未知屬
於何支

史家集一支清康熙年有武舉史柱見舊志祠堂在史家集祖墓在治西二里許戶千餘譜系自史昭叙起至今傳十八世清康熙四十年創修至光緒二十二年凡四修

呂氏

望河東姜姓炎帝之後虞夏時為諸侯失國子孫以國為氏呂尙為周太師封於齊

泗陽呂氏明景泰年呂瓚官資縣知縣今各鄉多呂姓戶數不詳

又城內呂氏奉回教戶不多

褚氏

望河南子姓宋共公子段食采於褚號褚師因氏焉

泗陽褚氏居崇河鄉北部族甚微

許氏

望高陽姜姓炎帝之後封於許以國為氏又望出汝南

泗陽縣志

卷二十一

氏族

三十一

致遠堂許邑之舊族奉回教世居城內分支有居衆興王家集成子河者明末許炳忠官主簿史閣部駐兵洋河助粟六百石戶不多有草譜

來安許世居來安集西南一帶清光緒年歲貢許雲官見科第表戶百餘又許家碼頭一支戶不多

魯氏

望扶風姬姓周封伯禽於魯以國為氏又望出新蔡

泗陽魯氏族甚微

武氏

望太原子姓宋武公之後也姓纂云周平王少子生而有文在手曰武因以為氏非是

泗陽武氏居治西南之武家岡戶不多

伍氏

望安定芊姓楚大夫伍參之後又望出武陵

泗陽伍氏居治西伍家營古姓今微

杜氏

望京兆祈姓堯之後劉累在周為唐杜氏成王滅唐遷封杜伯後更失國奔魯因氏焉又望出晉昌襄陽

泗陽杜氏戶數不多

浦氏 望京兆

泗陽浦氏見列女戶不多

邱氏 漢書上郡太守邱桂姓苑望出中山

泗陽邱氏由宿遷邱家湖遷來陸城鄉洋河鎮吳城鄉新灘湖皆有之族甚微

海氏 見姓苑望出薛郡齊海春之後

泗歸海氏居吳城鄉海家窪地方清乾隆時海容泗附監見舊志戶數不詳

尹氏 望天水少昊之子封尹城以邑為氏周宣王時尹吉甫為卿士

洋河尹清嘉慶年孝廉尹荃見科第戶數不詳

三義壩尹清初尹仁由徐州蕭縣遷來卜居三義壩地

泗陽縣志 卷二十一 氏族

三十三

方道光年尹耕雲由進士為御史陞河南河陝汝道其族不多

閔氏 望太原孔子弟子有閔損

仰化集閔世居順德鄉仰化集地方清同治年閔道源好游山水著見聞隨筆見隱逸所居附近有閔子祠戶數不詳

阮氏 望陳留殷有阮國在汾渭之間子孫以國為氏

泗陽阮氏邑之舊族明嘉靖年歲貢阮芳見舊志今微

苑氏 亦作宛望范陽子姓殷武丁子文封於苑以邑為氏又望出永寧馬邑

泗陽苑氏居恩福鄉族甚微

管氏 望平昌姬姓周文王第三子封於管號管叔以國為氏

泗陽管氏城內有之族甚微

單氏

望句安姬姓周成王少子臻封於單邑為甸侯子孫以邑為氏

單家圩單明宣德年單發祥由河南省遷來世居治北砂疆河北今其族有別居城內者清同治年單君仲歷任安東清河海防守備戶五百譜系自始遷祖敘起至今傳十七世清乾隆五十年創修光緒十二年重修

趙氏

望天水嬴姓伯益之後造父事周穆王以功封趙城子孫因以為氏

來安趙來安遵化二集皆趙氏居治東北恩福鄉清光緒年有趙書府者游庠戶數不詳

高家灣趙清同治年趙輔之游庠其族居吳城鄉南部戶數不詳

黃家窪趙其先由安徽遷來清乾隆末年趙自卿廩膳生世居北王集西北黃家窪東戶不多

泗陽縣志

卷二十一

氏族

三十三

鮑氏

望東海妘姓夏禹之後春秋有鮑叔仕齊世為卿士又虜姓俟萬氏改為鮑氏望上黨

上壩鮑清初鮑儒自南京徙居治西上壩頭奉回教咸豐年鮑登雲任河南祥符縣知縣子孫寄居河南其在泗陽者戶百餘祖墓在卜家湖東北岸譜系自始遷祖敘起至今傳十世清道光三十年創修至民國五年重修

左氏

望濟陽姜姓齊公族有左右商子因氏焉

穿城左世居崇河鄉穿城地方清道光年左維楚明經詳科第戶數不詳

馬氏

望扶風羸姓伯益之後趙國趙奢封馬服君子孫因之以為氏焉

馬家園馬元末馬豐潔由襄陽遷居淮泗之間其後遂為陸城鄉人戶二百祠與居址相近譜系自始遷祖叙

起至今傳二十二世清同治十三年創修至光緒二十二年重修

城內馬清咸豐年捻匪之亂茂才馬芹藻殉難贈雲騎尉世職奉回教戶不多

夏氏

望會稽姒姓夏后氏之裔

夏家窪夏元末夏良原籍蘇州人避張士誠之亂遷居白洋河清康熙年夏顯煜由拔貢任靈邱永豐廣平等縣知縣又夏掄謨同治壬戌進士子孫繁衍戶二千祠在洋河鎮米市街譜系自始遷祖叙起至今傳二十世明萬歷年創修至清光緒十三年凡六修衆興夏清初夏祁山邳州人官淮安衛千總徙居崇河鄉三圖至今傳十世戶不多譜系光緒六年創修

泗陽縣志

卷二十一

氏族

三十四

賈氏

望武威姬姓唐叔虞少子公明封於賈以國爲氏又周賈伯之後又望出洛陽長樂

泗陽賈氏明末賈彪由安徽休寧縣遷居安東繼遷桃源世居恩福鄉清咸豐年賈崇堂明經詳科第戶二百餘祖墓在三聖宮東北角里許譜系自始遷祖叙起至今傳十一世民國十三年重修

把氏

本姓巴望高平春秋有巴子國子孫以國爲姓其後避讐改把明把士聰永樂舉人見氏族補遺

泗陽把氏清咸豐年把兆暹由安徽定遠縣把家岡避亂遷來居城內祖墓在楊莊夾隄

哈氏

西方戎姓

泗陽哈氏奉回教族甚微

蔣氏

望樂安姬姓周公第二子伯黔封蔣以國爲氏

柴林湖蔣明嘉靖年蔣尊由山東青州樂安縣避亂遷

來世居治西柴林湖四世蔣振元徙居縣城分支散居各鄉二世祖墓在柴林莊庠生蔣祉廩貢生蔣克順俱以能文名譜系自始遷祖敘起至今傳十五世戶八百餘清乾隆五十一年創修至民國十三年凡四修蔣家集蔣明嘉靖年蔣琛由蘇州遷居邑之毛家湖地方清咸豐年貢生蔣東垣有學行築圩興集戶百餘譜系自蔣尚信叙起至今傳十一世清同治九年創修城內蔣氏奉回教戶不多

景氏

望晉陽莘姓楚公族有昭屈景三氏又望出馮翊漢初徙豪傑於關中今陝西多此姓

泗陽景氏居城內戶不多

耿氏

望南陽殷時姬姓國尙書祖乙遷於耿晉大夫趙肅滅之因氏焉又望出扶風河東

耿家橋耿其先山東人遷居沭陽明季由沭徙桃世居

泗陽縣志

卷二十一

氏族

三五

陸城鄉耿家橋祖墓在橋西戶百餘有草譜

冷氏

望京兆古伶倫氏之後音訛為冷又望出新蔡臨安

泗陽冷氏居崇河鄉戶不多

有氏

風俗通有巢氏之後孔子弟子有有子

泗陽有氏吳城市盧家集有之族甚微

鈕氏

望吳興與鈕同

泗陽鈕氏不詳所自始戶不多

耦氏

子姓風俗通云宋卿華耦之後漢有侍中耦嘉又姓苑云今廣平有耦氏

泗陽耦氏不詳所自始居衆興北鄉戶不多

沈氏

望吳興妣姓春秋有沈子逞沈子嘉後滅於蔡子孫以國為氏又姬姓周文王第十子冊季食采於沈後滅於

晉亦為沈氏

仁壽堂沈清初沈希聖自蘇州閶門遷來世居陸城吳

城二鄉清光緒年沈光國游庠戶二百餘祖墓在治東南里許譜系自始遷祖敘起至今傳十一世清光緒二十五年創修

沈道口沈元末沈宗順由蘇州遷來世居治西沈家道口清咸豐年副將沈鼐殉節南京贈恤雲騎尉世職戶七百祠在洋河米市街譜系自始遷祖敘起至今傳二十世明嘉靖四十二年創修至清同治三年凡三修

冉氏

望武陵高辛氏之後又曰叔山冉之後

泗陽冉氏居恩福鄉戶不多

范氏

望高平祁姓唐堯裔孫劉累之後在晉為士氏士會食采於范以邑為氏世為晉上卿

范家湖范其先自山東諸城縣遷來世居吳城鄉范家湖其分支有居陸城鄉柴林湖順德鄉史家集者戶三百

泗陽縣志

卷二十一

氏族

三六

百

仲氏

望中山高辛氏才子仲堪之後以王父字為氏又望出樂安

泗陽仲氏其先由濟寧仲家淺遷居流陽又由沐遷桃散居城鄉數十戶而已

宋氏

望京兆子姓周武王封微子於宋以國為氏

泗陽宋氏世居恩福鄉清嘉慶年宋世標明經見科第戶數不詳

宋大庄宋世居崇河鄉文生宋觀林武生宋觀斗並林子國翹亦係文生百餘戶

宋家橋宋居陸城鄉朱陳窪北奉回教有宋一峯者曾游庠戶不多

侍氏

侍其複姓宋有侍其良器

泗陽侍氏清初自宿遷侍家嶺徙居吳城鄉八圖清咸
同時侍領珠聯珠兄弟茂才戶數十

季氏

望渤海陸終氏之子季連之後又姬
姓魯桓公子季友之後望出魯國

泗陽季氏城內有之戶不多

冀氏

望渤海晉大夫卻芮之
後食采於冀以邑為氏

泗陽冀氏見列女戶不多

魏氏

望鉅鹿姬姓周文王第十五子封於畢畢公高之
裔畢萬仕晉食采於魏其後更為魏國以國為氏

魏家圩魏明末由泗州板橋遷來世居崇河鄉分支居

吳城鄉李家口陸城鄉魏家河一帶清光緒年恩榜舉

人魏乾三見科第魏席珍保舉訓導戶五百譜系自始

遷祖平治兄弟敘起至今傳十二世民國十三年創修

費氏

望江夏妣姓禹之後費仲為紂臣又姬
姓魯懿公之孫費伯之後亦為費氏

泗陽縣志

卷二十一

氏族

三七

泗陽費氏居河北鄉戶數不詳

喻氏

廣韻喻音
樹豫章人

泗陽喻氏居金鎖鎮戶不多

顧氏

望武陵己姓顧伯殷諸侯詩韋顧既伐是也子孫
以國為氏又妣姓漢封勾踐孫為顧余侯因氏焉

顧家嘴顧明靖難兵起顧慶初由蘇州閭門遷居皖泗

繼遷桃源世居崇河吳城二鄉亦有居縣城者清歲貢

顧履芳顧開愚俱見科第戶八百祖墓在顧家嘴譜系

自始遷祖敘起至今傳十九世民國十三年創修

傅氏

望清河殷高宗相傅
說子孫因以為氏

傅家窪傅元末傅通元自安東縣遷居老鶴汀之北迄

今將二十世戶二百餘墓在關帝廟西北里許祠在本

莊

路氏

望內黃黃帝封其支子於潞子孫失國去水為路氏又望出京兆潁川

泗陽路氏不詳所自始戶不多

衛氏

望河東姬姓周文王第八子康叔封於衛以國為氏

泗陽衛氏居吳城鄉清光緒年衛潤南恩榜舉人見科

第戶數不詳

惠氏

望瑯琊姬姓周惠王後又望出扶風周末有惠施

泗陽惠氏居吳城鄉中營門地方族甚微

桂氏

望燕郡姓苑云漢城陽靈橫四子避難居幽州姓桂

桂家廟桂元末桂慶雲避紅巾之亂由蘇州遷來一支

居吳城鄉桂家嘴一支居陸城鄉桂家岡一支居恩福

鄉楊桂莊今鄭家道口北有桂家廟戶數不多

蔡氏

望汝南姬姓周文王第十四子叔度封於蔡以國為氏

泗陽縣志

卷二十一

氏族

三六

蔡家圩蔡世居治北穿城地方清同治年孝廉蔡鳳閣

官六合教諭其子蔡琛歲貢戶數尚多

城內蔡氏別為一支戶不多

貝氏

望清河古有賢者貝獨坐今吳越多此姓

泗陽貝氏不詳所自始民國十二年有貝永清者在金

鎮鎮剿匪陣亡見忠烈戶不多

解氏

望平陽姬姓唐叔虞子良食采於解子孫以邑為氏

泗陽解氏居陸城鄉西部有地名曰解家圩族甚微

戴氏

望譙國子姓宋戴公之後以諡為氏又望出廣陵清河

來安戴世居恩福鄉來安古八集之間清咸豐年戴鴻

經官開封祥符縣知縣子孫遂著籍河南其留居泗陽

北鄉者戶不多

洋河戴不詳所自始清光緒年歲貢戴潤章始著籍

佴氏

乃代切音耐明萬曆進士佴祺

泗陽佴氏治東北八集南有之戶不多

印氏

望馮翊姬姓鄭穆公之孫印段之後以王父字為氏

泗陽印氏不詳所自始陸城鄉有印家圩又眾興東北亦有此姓戶不多

靳氏

望河西楚大夫靳尙

泗陽靳氏不知所自始散居縣城眾興二處奉回教族甚微

萬氏

望扶風姬姓畢萬之後一云芮伯萬之後以字為氏又望出河南

泗陽萬氏居吳城鄉清光緒恩副榜萬居人見科第戶數不詳

泗陽縣志

卷二十一

氏族

三五

晏氏

齊國姜姓齊公族世為大夫

泗陽晏氏居治北里仁集地方戶數不詳

卞氏

望濟陽姬姓曹叔振鐸之後食采於卞因氏

卞家嘴卞居吳城鄉戶不多

廖氏

望汝南武威風俗通古有廖叔安左傳作颺蓋其後焉或言周文王子伯颺之後今衡山南劍多此姓

洋河廖原籍福建龍岩州人清同治年選貢廖大奎始入籍戶不多

邵氏

望博陵姬姓召公奭之後加邑為邵氏又望出汝南

朱陳窪邵邑之舊族明永樂年邵瑛官德平知縣崇禎年邵承官鄆城教諭俱詳科第今戶數不詳

史家集邵原籍福建龍岩州人清光緒年歲貢邵芾棠始入籍戶不多

賀氏

望廣平姜姓齊公族慶父之後以字為氏又云漢侍中慶純避安帝諱改為賀氏

泗陽賀氏不詳所自始治西北大興莊有此姓其居城

內者民國五年洪憲之亂賀廣賀新兄弟殉難詳忠烈

郜氏

姬姓周文王之子封郜或云聃季之弟子爵今單州成武有二郜城是其地也晉有高昌長郜玖望出安定京兆

泗陽郜氏明成化年郜敬官穎川王府教授今微

謝氏

望陳留姜姓炎帝之胤周宣王之舅申伯封於謝子孫以邑為氏

成子河謝明謝貴浙江會稽人官四州教諭來居邑之

成子河北岸墓亦在焉清謝逢春歲貢有傳戶二百祠

在縣東門外久廢故址猶存譜系自始遷祖叙起至今

傳十六世清道光年創修民國十三年重修

華氏

去聲望武陵子姓宋戴公子考父食采於華因氏焉又望出平原沛國

泗陽縣志

卷二十一

氏族

四

泗陽華氏居衆興奉回教戶不多

化氏

無考

泗陽化氏治西有馬化溝相傳馬化二姓所築今微

尙氏

望京兆姜姓周太師呂尙之後又望出清河上黨

泗陽尙氏由泗州尙家嘴移居戶不多

鄭氏

望滎陽姬姓周厲王少子友封於鄭後滅於韓子孫以國為氏

鄭道口鄭明洪武年鄭山鄭田兄弟由徽州遷來一居

恩福鄉鄭道口曰湖東鄭一居陸城鄉洪澤湖濱曰湖

西鄭清同治年鄭嘉賓保授訓導見人物表戶七百墓

在王家集東北祠在來安集北譜系自始遷祖叙起至

今傳十七世清嘉慶初年創修至光緒年凡五修

盛氏

望汝南周同姓之國後滅於齊穆天子傳盛姬之國又望出梁國

盛道口盛明成化年盛哲蘇州閭門人任桃源縣教諭
遂家焉子孫散居各鄉清道光年盛同燮拔貢見科第
戶百餘譜系分三支傳十三世清嘉慶年創修至民國
七年凡三修

孟氏

望平陽姬姓魯桓公子慶父
之後號孟孫氏又望出東海

三遷堂孟清乾隆年孟衍兆衍義兄弟係孟子六十五
世孫由鄒縣遷來世居恩福吳城二鄉改隸民籍戶百
餘又洋河孟氏嘉慶年拔貢孟春見科第其子孫遷居
沭陽大伊山

鄧氏

望南洋曼姓商之侯國春秋時鄧侯吾離曼
朝魯後滅於楚子孫以國為氏又望出長沙

泗陰鄧氏居城內戶不多

甯氏

望齊郡姬姓衛武公生季
甯食采於甯以邑為氏

泗陽縣志

卷二十一 氏族

四十一

泗陽甯氏見列女戶不多

竇氏

望扶風河西姬姓夏王相遭有窮之難后
方娠逃出自竇生少康其支孫以竇為氏

泗陽竇氏居城內今微

闕氏

望天水齊卿闕止
之後又望出會稽

泗陽闕氏有居雲家渡者族甚微

谷氏

望上谷漢成
帝時有谷永

谷家廟谷邑之舊族世居陸城鄉谷家墩地方分支散
居河北谷家廟明谷傳聲任齊東縣知縣生五子分五
支戶五百餘祖墓在谷家墩北二里有古橡樹清光緒
十二年大風雨拔焉祠即谷家廟譜系自谷雨叙起至
今傳十六世清康熙二年創修至民國四年凡四修

陸氏

望河南媯姓齊宣王封少子通於平原般郡
陸鄉即陸終故地因以為氏又望出吳郡

陸忠堂陸清初陸嘉祿原籍蘇州僑寓如皋子雲升爲
安東縣教諭考安東縣志康熙四十八年教諭陸國值慶如舉人無陸雲升之名不知何故
歲飢雲升與叔佐山兄同升來桃邑辦賑務遂家焉戶
百餘譜系自陸嘉祿敘起至今傳十二世清光緒癸己
年創修

祝氏

望太原己姓周武王封黃帝之後於祝因以爲氏又祝氏之後以官爲氏又望出河南

祝大窪祝明洪武初祝堯封由河南固始縣遷來世居
治西祝家窪地方清光緒年廩貢生祝雲龍建圩禦匪
戶數不詳

卜氏

望西河周禮卜人氏以官爲氏又望出武陵河南

卜家湖卜邑之舊族明嘉靖年卜雲祥明經萬歷年卜
大行官袁州教授均見舊志分支居順德鄉有地名曰

泗陽縣志

卷二十一

氏族

四十二

卜氏祠堂戶數尙多

毛家湖卜清初由清河縣卜家金堂遷居恩福鄉毛家
湖地方戶數不詳

郁氏

魯相郁黃之後望出魯國今吳興多此姓

泗陽郁氏居恩福鄉蔣家集地方清咸豐年郁郅廷明
經見科第不多戶

鞠氏

望汝南姬姓后稷裔孫曰鞠陶生公劉其後以王父字爲氏或訛爲麴氏

洋河鞠原籍順天大興縣人清初鞠詠官淮安知府流
寓洋河遂家焉咸豐年鞠仁麟著述甚多有哀鴻啓一
卷尙存戶不多

穆氏

望汝南子姓宋穆公之後以諡爲氏

泗陽穆氏治北穿城東有穆家蕩今微

東氏

望南洋疏廣之後避王莽亂去足為東

泗陽東氏明中葉東瑛由徽州遷來世居恩福鄉戶不

多

沃氏

子姓風俗通商王沃丁之後吳有沃焦見神仙傳

泗陽沃氏居恩福鄉戶不多

岳氏

望山陽古四岳之後

泗陽岳氏居吳城鄉南新集戶不多

吉氏

望馮翊即咭姓也南燕之後或云尹吉甫之後以王父字為氏又望出洛陽

泗陽吉氏居恩福鄉戶不多

畢氏

望河南姬姓周畢公高之後以國為氏又望出東平太原

畢大莊畢元末畢構避紅巾之亂由河南遷來世居崔鎮明洪武年歲貢畢瑗畢昌清雍正年歲貢畢試均見

泗陽縣志

卷二十一

氏族

四十三

舊志分支散居各鄉治西南有地名曰畢溝戶數不詳

漆氏

望南昌本腴曠之國因姓漆或曰漆雕開之後單姓漆氏世為青州北海望族

泗陽漆氏居崇河鄉戶不多

屈氏

望臨海芊姓楚公族莫敖屈瑕食采於屈以邑為氏又望出河南

泗陽屈氏居吳城鄉南新集族甚微

闕氏

望下邳漢有荊州刺史闕翬

泗陽闕氏居吳城鄉盧家集南戶不多

滑氏

望下邳春秋時滑伯周同姓國也為晉所滅以國為氏又望出京兆

泗陽滑氏居陸城鄉滑家圩地方又治東南八里有地名曰滑家湖戶數不詳

薩氏

姓胡

泗陽薩氏奉回教族甚微

葛氏

望梁國風俗通葛天氏之後子孫因以為氏夏葛伯
嬴姓國亦為葛氏河南官氏志賀葛氏改為葛氏

葛家蕩葛元末有名廿一公者由青州益都縣遷來居

城內葛家巷明嘉靖年葛耿助餉七十萬事聞賜璽書

褒美旌其門曰尚義今恩福鄉葛家蕩其嫡裔也又一

支居吳城鄉洪澤湖濱戶一千八百祠墓在三義廟旁

譜系自廿一公敘起至今傳二十餘世清康熙丙戌年

創修至光緒丙午年凡四修

郭氏

望太原姬姓周文王季弟號叔封於皞後滅於晉公羊
曰皞謂之郭音之博也春秋在郭公因以為氏又望出

華陰
馮翊

泗陽郭氏散居各鄉戶數不詳

郝氏

望太原子姓殷帝乙之子期周封
太原郝卿因氏又望出安陵京兆

泗陽郝氏今治南有地名曰郝家橋族甚微

泗陽縣志

卷二十一

氏族

四十四

薛氏

望河東黃帝之子得姓者十一人第一為任姓其裔孫
仲虺為湯左相封於薛周末滅於楚公子登仕楚懷王

賜沛邑為大夫以國為氏又
河南官氏志叱於氏改為薛

薛家岡薛明初薛肇基自泗州雲山避亂世居治南高

阜處所任士納貢遂名薛家岡清初薛懷舉孝廉方正

戶二百餘譜系自起遷祖敘起至今傳十八世清康熙

五十三年創修至同治十三年重修

莫氏

望鉅鹿即慕氏省文漢有富人莫氏見游
俠傳又河南官氏志刑莫氏改為莫虜姓

莫家圩莫清光緒初年洪澤湖西岸放墾有莫德賢者

原籍河南盧氏來居湖上築圩居焉

駱氏

望內黃姜姓齊公子駱之後以
王父字為氏又望出河南會稽

駱家灣駱元順帝十五年駱豐義由海州遷來後徙居

曹家廟地方清同治年駱騰鳳游庠戶數不詳

石氏

望武陵姬姓春秋譜石駘仲之後又望出渤海

石家渡石世居恩福鄉六塘河兩岸明洪武年石隱明

經見舊志戶數不詳

白氏

望南陽秦大夫白乙丙之後又楚公族有白公勝者子孫亦為白氏

泗陽白氏原籍遼東明中葉白汝純任桃源縣教諭遂

家焉崇禎末白長庚官浙江上虞令及弟應庚並殉難

見人物表世居陸城鄉西部戶數不詳

翟氏

望南陽黃帝之後居翟以地為姓

翟家嘴翟世居吳城鄉清乾隆年有翟孔謨者官陰陽

學訓術子孫世習其業至今不替戶數尚多

席氏

望安定晉大夫籍談之祖伯儵司晉典籍因氏裔孫環避項羽名改為席氏

穿城席明季席本達由蘇州東山遷來世居穿城地方

泗陽縣志

卷二十一

氏族

四十五

清嘉慶年席文錦以疏濬砂疆河有功特保同知銜見

人物表戶數不詳

狄氏

望天水姬姓周成王封少子於狄城因氏焉

泗陽狄氏居吳城鄉李家口地方清光緒年狄覲廷游

庠戶不多

戚氏

望東海衛大夫食采於戚因氏焉

戚家渡戚不詳所自始族甚微

力氏

黃帝六相力牧氏之後望出臨安

泗陽力氏居吳城鄉新灘湖清光緒年力元勳游庠戶

不多

汲氏

望清河姬姓衛太子伋之後居汲因以為氏又望出濮陽漢汲黯之後

泗陽汲氏不詳所自始有居崇河鄉者戶不多

蓋氏

望汝南又望出
漁陽洛陽音蓋

泗陽蓋氏居衆興與淮陰蓋氏同宗奉回教戶不多

葉氏

望南陽風俗通楚沈尹成生諸
梁字子高食采於葉因氏焉

葉家湖葉明末葉小溪由蘇州洞庭山遷來世居葉家

湖地方分支有居城內者戶不多

聶氏

望河東衛大夫食采於
聶因氏焉又望出新安

泗陽聶氏不詳所自始戶不多

諸葛氏

望瑯琊嬴姓殷時諸侯葛伯之後舊居瑯琊
後徙陽都以先有葛姓在時人因謂之諸葛

泗陽諸葛氏見列女戶不詳

端木氏

先賢子
貢之後

泗陽端木氏原籍溧水今存數戶

補遺

泗陽縣志

卷二十一

氏族

四十六

种氏

通作冲仲山甫之後避
仇改种後漢有种嵩

泗陽种氏不詳所自始居馬棚戶不多

烏氏

少昊氏以烏名官有烏鳥氏
其後爲烏氏唐有烏承胤

泗陽烏氏不詳所自始治西屠家園有烏家莊

茆氏

卽茅氏古字通明
史藍玉傳有茆鼎

泗陽茆氏不詳所自始治西北順德鄉有此姓戶不多

索氏

左傳殷民七族有
索氏又晉有索靖

泗陽索氏不詳所自始治西劉李埂有此姓戶不多

甘氏

姬姓周武王封同封國於畿內因氏焉又王子帶
亦封於甘傳曰甘昭公限寵於惠后欲立之是也

泗陽甘氏不詳所自始有甘霖者早亡其聘妻李氏殉

焉見列女貞烈表

泗陽縣志二十一終

